



Чақалокни 6 ой эмизиш керак бўлади...ми?



Абитуриентларни катта ўзгаришлар кутмоқда



Олмон тили – тараққиёт тили



Ҳимояга муҳтож адвокат



№40-41 2019-йил, 21-май Seshanba (32.531)

Ijtimoiy-siyosiy gazeta 1918-yil 21-iyundan chiqqa boshlagan

# O'zbekiston OVOZI

Улуғлардан улуғимсан, Ватаним!

Ўзбекистон Республикаси Президентининг «Ўзбекистон Республикасида заргарлик тармоғини жадал ривожлантириш чора-тадбирлари тўғрисида»ги фармони газетамиз сайтида ўқийшингиз мумкин.

## ТОШКЕНТ ШАҲРИДА АМАЛГА ОШИРИЛАДИГАН ЯНГИ ИНВЕСТИЦИЯ ЛОЙИҲАЛАРИ МУҲОКАМА ҚИЛИНДИ

Ўзбекистон Республикаси Президенти Шавкат Мирзиёев 20 май кuni Тошкент шаҳрида амалга оширилиши режалаштирилган истиқболли инвестиция лойиҳалари тақдироти билан танишди.

Халқ депутатлари Тошкент шаҳар Кенгашининг 2018 йил 21 декабрь кuni бўлиб ўтган навбатдан ташқари сессиясида пойтахтимизни йирик ишбилармонлик марказига айлантириш, инвестицияларни фаол жалб қилиб, замонавий корхоналар ташкил этиш бўйича вазифалар белгиланган эди.

Шунга мувофиқ, жорий йил 4 январда Ўзбекистон Республикаси Вазирлар Маҳкамасининг «Тошкент шаҳрини инфратузилмавий ривожлантиришга тўғридан-тўғри хорижий инвестицияларни жалб қилишга доир қўшимча чора-тадбирлар тўғрисида»ги қарори қабул қилинди.

Бугунги кунда пойтахтимизда кичик саноат зоналари ва технопарклар инфратузилмасидан самарали фойдаланиб, юқори технологияли қувватлари ташкил этиш, қўшимча қийматли маҳсулотлар ишлаб чиқаришни кенгайтириш бўйича изчил ишлар олиб борилмоқда. Бу масала давлатимиз раҳбарининг долмиш эътиборида турибди.

13 май кuni Президент ҳузурига бўлиб ўтган йиғилишда ҳам тўғридан-тўғри хорижий инвестицияларни жалб қилган ҳолда Тошкент шаҳрида замонавий саноат корхоналари ташкил этиш ишлари таҳлил қилинган эди.

Аввал берилган топшириқларга мувофиқ, Тошкент шаҳрида амалга ошириш учун умумий қиймати 617 миллион АҚШ долларидан зиёд 19 та янги инвестиция лойиҳаси ишлаб чиқилди.

Аҳамиятлиси шундаки, ушбу лойиҳаларнинг барчаси саноат соҳасига оид бўлиб, улар ижроси натижасида 10 мингдан ортиқ иш ўрни яратилади. Ҳар йили қарийб 1 миллиард долларлик бозорбоп маҳсулотлар ишлаб чиқариш, 290 миллион доллардан зиёд экспорт қилиш имконияти пайдо бўлади.

Лойиҳалар қўшимча қиймати ва маҳаллийлаштириш даражаси юқори бўлган маҳсулотлар ишлаб чиқаришга қаратилган. Кенг турдаги маиший техника, лифт ва эскалаторлар, насослар, сув иситкичлар, қоғоз, қурилиш материаллари, озиқ-овқат маҳсулотлари, маиший кимё воситалари, заргарлик ва шиша буюмлари шулар жумласидандир.

Инвесторлар ва ташаббускорлар ўз лойиҳалари юзасидан тақдимотлар ўтказди. Ушбу корхоналар Тошкент механика заводининг ҳозирда фойдаланилмаётган бино ва майдонларида ташкил этилади. Улар 2019-2020 йиллар давомида ишга туширилади.

Президентимиз ушбу лойиҳалар шаҳарнинг мавжуд инфратузилмасидан самарали фойдаланган ҳолда бозорбоп маҳсулотлар ишлаб чиқариш, аҳолини иш билан таъминлаш жиҳатидан муҳимлигини таъкидлаб, уларни тезроқ ишга тушириш бўйича кўрсатмалар берди. Мутасаддиларга харидор-гир саноат маҳсулотлари ишлаб чиқариш бўйича умумий қиймати камида 1 миллиард доллар бўлган қўшимча лойиҳалар шакллантириш вазифаси қўйилди.

ЎЗА



## Китоб дилларни бирлаштиради

Фағур Гулом номли маданият ва истироҳат боғи болалар билан ҳар қачонгидан ҳам гавжум бўлди. Уларнинг аксарияти музқаймоқ еб, аттракционларда учиб ўйнаш, аксинча Халқ таълими вазирлиги, Республика болалар кутубхонаси томонидан ташкил этилган «Китоб бизни бирлаштиради» номли китобхонлар фестивалида фаол иштирок этиш учун келишган.

Мақсуд фестивал болалар ўртасида китобхонликни тарғиб қилиш, бу орқали уларда ватанпарварлик туйғусини кучайтириш, урф-одат ва миллий қадриятларга ҳурмат ҳиссини уйғотиш мақсадида ташкил этилган.

— Фестиваль қисқа вақт ичида ёш китобхонлар қалбидан жой эгаллашга улгурди, — дейди Республика болалар кутубхонаси директори Дониёр Уролов. — Бу йил бешинчи мартаба ўтказилган тадбирга асосан чекка ҳудудлардаги мактаблар ўқувчиларини жалб қилишга ҳаракат қилдик. Турли миллат вакилларидан

иборат ўқувчиларнинг китобга, маърифатга меҳр қўйишини истган ҳолда уларга қимматбахо совғалар билан бирга китоблар ва «Болалар адабиёти» журналининг янги сонини тақдим этдик.

Шу кунда истироҳат боғига ташриф буюрган ота-оналар фарзандларига китоблар олиб берди, болаларга қўшилиб байрам дастурини томоша қилди.

Фестиваль давомида юртимизда фаолият кўрсатаётган нашриётлар томонидан болалар учун махсус chop этилган китоблар кўргазмаси ва савдоси ташкил этилди.

Ўқувчи-ёшлар ва фестивал иштирокчилари орасидан «Энг яхши китобхон мактаби», «Еш китобхонлар», «Энг яхши китобхон ўқувчи» каби кўрик-танловларда голибликни қўлга киритганлар диплом ва эсдалик совғалари билан тақдирланди.

ЎЗА

Бу ҳақда Мурोजаатномада айтилган эди...

## Ҳукумат парламентга ҳисобот берди



Ўзбекистон Республикаси Президенти Шавкат Мирзиёевнинг Олий Мажлиси Мурोजаатномасида парламентнинг муҳим қарорлар қабул қилиш ва қонунлар ижросини назорат этиш фаолиятини кучайтириш баробарида Бош вазир ва Ҳукумат аъзолари Давлат дастурининг бажарилиши юзасидан Олий Мажлис палаталари олдида ҳар чорақда ҳисобот бериб бориши белгилаб берилган эди.

Шундан келиб чиқиб, мақсуд янги институтни амалиётга татбиқ этиш ишлари бошланди: 2019 йил 18 май кuni Олий Мажлис Қонунчилик палатасида илк бор Вазирлар Маҳкамасининг 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Фаол инвестициялар ва ижтимоий ривожланиш йили»да амалга оширишга оид Давлат дастурининг 2019 йил биринчи чорағида бажарилишининг бориши тўғрисидаги ҳисоботи эшитилди.

Ҳисоботи Бош вазир ўринбосари А.Абдуҳақимов тақдим этди. Ҳисоботда келтириб ўтилганидек, Маъмурий ислохотлар концепциясини изчил амалга ошириш мақсадида Вазирлар Маҳкамасининг фаолияти ташкилий жиҳатдан қайта кўриб чиқилиб, янги мазмун билан бойитилгани Давлат дастурининг биринчи чорақ учун белгиланган устувор вазифаларини ўз вақтида, сифатли ижро этилишини таъминлашда муҳим омил бўлди.

Шундан келиб чиқиб, Вазирлар Маҳкамаси томонидан Давлат дастурининг бажарилишида бир қатор жиҳатларга алоҳида эътибор қаратилди. Хусусан, давлатимиз раҳбарининг 2019 йил 17 январдаги Фармони билан белгиланган устувор йўналишларни сифатли, самарали амалга ошириш, жозибадор инвестиция муҳитини яратиш, республика ҳудудларининг ижтимоий ривожланиш даражасини юксалтириш, муаммо ва камчиликларни аниқлаш ҳамда уларни бартараф этиш юзасидан тегишли чораларни кўришга устувор аҳамият берилди.

Вазирлар Маҳкамасининг ҳисоботи депутатлар томонидан ҳар томонлама, чуқур таҳлил қилинди. Парламент вакиллари, авваламбор, Давлат дастурида белгиланган, ўтган даврда ишлаб чиқилиши лозим бўлган норматив-ҳуқуқий ҳужжатлар, уларнинг Олий Мажлис қўйи палатасига ўз вақтида киритилиши ҳамда мамлакатни иқтисодий-ижтимоий ривожлантиришнинг ҳуқуқий асосларини яратиш билан боғлиқ масалалар ечимига алоҳида аҳамият қаратдилар.

Ҳукумат ҳисоботи юзасидан ҳар бир сиёсий партия фракцияси ҳамда Ўзбекистон Экологик ҳаракати депутатлар гуруҳи вакиллари ўз нуктаи назарини баён қилди.

Ўзбекистон ХДП фракцияси аъзоси Турсунпўлат Норбоев сўз олар экан, фракция аъзолари Вазирлар Маҳкамасининг ҳисоботини маъқуллаган ҳолда, келгусида Ҳукумат томонидан эътибор қаратилиши лозим бўлган бир қатор тақлиф ва тавсияларни билдирди. Таъкидлаш лозимки, давлат аҳамиятига молик масалаларни бугунги кунда халқ билан бевосита муҳокама қилиш, ҳар бир масалада халқнинг фикрини ўрганиш давлат сиёсати даражасига кўтарилган. Ушбу жараённинг сиёсий аҳамияти шундаки, халқимиз ўз вакиллари, яъни депутатлар орқали мамлакатнинг ижтимоий-иқтисодий ривожланишини кузатиб, назорат қилиб боради.

Барча ютуқлар ўзимизники эканлигини билиб, масалага танқидий нуктаи назардан ёндашсак, қурилаётган масаланинг туб моҳиятига эътибор қаратсак, айрим вазифаларнинг бажарилмаслиги ёки кечиктириб бажарилиши, Қарор ўрнига чора-тадбир лойиҳаси тайёрланиб, ижроси қоғозда қолаётгани, жойларда дастурда белгиланган вазифаларга совуққонлик билан қаралаётганини кўраемиз.

Давлат дастурида белгиланган ҳар бир вазифа, унинг ижроси одамларни рози қилишдан иборатдир. Шу нуктаи назардан қараганда, аҳолининг арзон уй-жойларга бўлган талаби юқорилигини инобатга олиб, қўшимча равишда уй-жойлар қуриш чора-тадбирларини белгилаш, оғир турмуш шароитида яшаётган аёллар, айниқса, ёш хотин-қизлар бандлигини таъминлаш манзилли дастурининг ижросини амалда тўлақонли ва сифатли ижро қилиш масалаларига алоҳида эътибор қаратиш лозим...

Қизгин ва амалий руҳда кечган ўзаро савол-жавоблардан сўнг Вазирлар Маҳкамасининг ҳисоботи маъқулланди. Қонунчилик палатасининг тегишли қарорига муҳим тақлифлар ҳам кўрсатиб ўтиди.

Қонунчилик палатаси Ахборот хизмати маълумотлари асосида тайёрланди.

8

## Менда тақлиф бор

## Самарқанд ҳокими Баҳодир Ялангтўшбийнинг тарихий хизматлари



Ёки Регистон майдонидаги Шердор, Тиллақори мадрасаларини қурдирган бунёдкор ҳақида нималарни биламиз?

Президентимиз Шавкат Мирзиёев 2017 йил 19 сентябрда БМТ Бош Ассамблеясидаги маърузасидан кейин ташкилотга Ўзбекистон «ташриф қоғозига» айланган Самарқанддаги Регистон майдони макетини совға қилган эди. Бу эсдалик совға ҳозир Хавфсизлик кенгаши ва БМТ Бош Ассамблеяси орасидаги супага ўрнатилган бўлиб, бутун дунёга Ўзбекистон номини намойиш этиб турибди.

8













